

# 卷三

書名 太平經國之書十一卷首一卷 嘉靖二十七年仁和芮氏刊本  
 撰者 宋 鄭伯謙 撰，明 陳曉 校  
 卷 卷三  
 內容分類 經-禮-周禮-宋  
 索書號 大木-經部-禮類-12  
 編號 A192000

彩色首頁1

東洋文化研究所漢籍目錄 編號: A192000

東洋文化研究所漢籍目錄所藏漢籍善本文影像資料庫 索書號: 大木-經部-禮類-12

漢籍善本文影像資料庫文本太平經國之書十一卷首一卷 嘉靖二十七年仁和芮氏刊本

版權所有: 東京大學 東洋文化研究所

使用上的注意事項

太平經國之書卷之一

教化論六典以為民極

永嘉鄭伯謙著後學陳曉校正



或謂周公之序六典也辨方正位體國經野設官分職之  
 下每終之以為民極此特建國之始耳未見其有與于民  
 也豈可以遽取極于此哉曰先王之教天下未始有精粗  
 本也司徒一官名曰教典自今職職而攷之六十  
 官大抵皆分畫鄉遂整理田疇征歛財賦職掌山澤  
 井門閔之事師田行役祭祀喪紀冠昏鄉射之法  
 而巳如鄉大夫州長族黨之職則不過屬民讀邦法師

0 1 2 3 4 5 6 7 8 9 20 1 2 3 4 5 6 7 8 9 3

天  
長  
十  
年  
十  
月  
十  
日








大木 2757







太平經國之書卷之三

永嘉鄭伯謙著後學陳曉校正

養民論太宰九職任民

或問先王井天下之田分天下之民凡民皆受田凡受田皆為農而太宰之九職三農九穀之外又有園圃虞衡藪牧工商嬪婦之民未免有農末之分何也曰此即受田之民為之非其餘力則有餘夫也至于臣妾則男或一夫女或一婦既不可以受田于公家其勢必服役于私室先王於此則使之聚歛䟽財以取其利若九兩之主以利藪以富是也

茶以供喪事茅以供祭祀菱藟以飼國馬今時人取草以飼牛取萍以飼犬豕負米拾髮竹頭木屑



皆躡材之屬者也。閒民則私田九一之餘，公田什一之外，既不從事于園圃，虞衡藪牧之地又不從事于工商，嬪婦之業先王於此則使之轉移執事以共其利，若司徒之生財，里宰之鋤粟是也。蓋嘗因事論之，以為先王與民為生，後世則民自為生，至于今世，民無以為生矣。夫與民為生，吾不敢以望後世矣，而聽民之自為生，獨不可乎？不聽其自為生，而至于無以為生，民病則極矣，而暴君汙吏又從而朘削之，征科色目百出而未已，日夜疾視其民而歛之，若讐不至於貧，感潰散則不止，則夫無以為生之民，於是有輕用其生者矣。非復有依依不忍去之意於垂亡臨絕之餘，而先

王之季世也。嘗觀周之先王，其所以與民為生，非一事也。井九百畝，其中為公田八家，皆私百畝，使之相養相生，如是足矣。為之比閭，族黨州鄉為之隣里，鄩鄙縣遂為之溝洫，澮川畛塗道路以安其生，為之禱祠醫藥，變政為之賑救補助之法以衛其主，如是又足矣。而猶以為未也，謂王畿之內皆齊民，而未有特富者，生之具雖以粗給而祭祀喪紀猶有所不足，而取于常数之外，於是九職之任，汝馬雖臣妾閑民皆不敢遺，而亦必有以厚其生，當是時也，豈復有農者一而食者六，工者一而用者六，賈者一而資者六乎？思慮周密，安養生利，備至，蓋不措之於仰事俯育。



無憾之地則鬱鬱然如有負于斯民也反復太宰之九職未嘗不三嘆先王之政以為先王孜孜為民之心即後世孜孜為己之心轉移而為此此民所以樂其上之愛己而忘其勤於是相與出其賦稅以供其上稅以足食賦以足軍國之用而先王猶不敢泰然而享之斗粟尺帛則有司存鈎收會計猶恐其用之妄間有水旱不登則焦然凜然念民生之不易禍至之無日捐租出粟欲減膳而不御樂矣夫其與之也甚厚取之也甚薄而用之也甚嗇民知上之與己者至故其所以奉上者亦至非若後世之徒取而徒與也自井田壞而貧富不均上之人猶不能制民之常

產况敢望其九職之任乎而民始自為生矣有父子兄弟夫婦之聚而無衣食生養之資窮居處處不自聊賴去而為工技散而為商賈不得已而為庸保而民之為生始勞矣迫之以水旱役之以軍旅困苦之以疾病死喪而民始無以為生矣不反其本方更圖易令以求豐財上之公卿大夫下之百司庶府中外之學士大夫日夜講求理財之策民何以足而國何以堪耶先王之事吾誠不敢以望后世矣無已則聽民之自為生乎

稅賦論太宰九職九貢

或問畿外有貢畿內有賦有稅有征歛之目其別如何曰



公田以爲稅私田以出賦征歛則稅賦之總名家征力征則以一家餘夫之力言之夫征地征則以一夫私田之賦言之若畿外諸侯則食公田之稅以爲祿幹私田之賦以爲貢耳學者於貢稅之說何其紛紛也愚請畧公田之稅而姑論畿內之賦次及于畿外之貢然後紛紛之說可以盡折而一之人徒見夫稅以足食賦以足兵則以民賦爲止于兵車以九賦爲諸臣祿田之賦非也稅賦雖一而賦有三凡起徒役毋過家一人此兵賦也甸出長轂一乘此車賦也一曰邦中二曰四郊而下此九等之賦也時方有事則農出一兵甸出一車事已則兵還于農車還于甸

雖名爲賦其實則使民自爲衛耳有以足軍之用而未有定國之用也國之大用有祭祀有賓客有喪葬羞服有工事幣帛有芻秣匪頒好用不取諸民於誰責而供之於是始助百畝之私以制九等之賦勸九職之任以代九賦之出今攷之周禮國中四郊之賦閭師征之野之貢賦縣師征之委人征薪芻木材獸人廛人收皮毛筋角角人斂齒角羽翮中人收金玉錫石澤虞取國澤財物掌葛掌染草則征絺綌塗畫以當邦賦掌炭掌荼則征灰炭茅蒭以當邦賦其始也以九谷爲主而其終則皆以九職之物充賦其始也以五等定輕重而其終則皆以年之上下出斂



灋孰讀一書其所以孜孜于田賦之說者蓋以其未始立法也若公田什一之稅周禮曷嘗一言之豈惟公田太宰九等之賦不言軍旅亦以一兵一車之出自有定制耳此自黃帝爲井牧以來未之有改彼則自周公之身而經始之色目嘗慮其巧立輕重嘗恐其過差有無常患其相違受用常憂其相亂是以太宰正其名載師酌其數閭師縣師隨其物太府謹其待用蓋其始終本末無毫髮不經慮慮者達之王畿之外則有異名而無異法諸侯食其稅于國則稅之名變而爲祿諸侯納其賦則賦之名變而爲貢始于太宰之致其用中于司馬之制其賦終于小行人之

令其獻考之職方氏自揚之金錫荆之丹銀以至斧之布帛此即取物之充賦也又考之大行人自侯服之祀物甸服之嬪物以至要物之貨物此即變賦以爲貢也其纖悉委曲則與畿內無一不相應者蓋嘗以禹貢之書攷之然後周禮貢賦稅之別源流會通益無可疑者夫冀州在王畿之內堯之所都也厥賦惟上上厥田惟中中是公田之稅雖其等在五而私田之賦折以他物則其等實在二也此乃太宰之九賦也八州在王畿之外諸侯之國也田賦之下於是始立爲貢篚之制焉有金木鉛石之貢有漆絲羽茅之貢有球琳琅玕銀鏤器磬之貢此則太宰之九貢



也然禹貢與周禮少異者周禮畿內之類通可以立貢而禹貢則專指以為賦禹貢畿內之賦專以米粟之屬而周禮則雜以他物代之此特其微異者耳不害其為同也周衰王制不明貢賦稅之法不復存成王周公之制魯之宣公初稅畝是以公田之外復履私田之畝行什一之稅雖然賦則尚無恙也至于成公之作丘甲則每三甸而加一乘兵車之賦非復司馬法之舊哀公之用田賦則受田百畝而出賦二十畝私田之賦非復載師之舊至于邦國之貢益倖謬而無統包茅不入王祭不共是諸侯既不致貢于天子子產言鄭伯之男而使從公侯之貢

見昭公十二年是晉

人責貢于諸侯者又難給焉此豈惟非周家之舊法哉虞夏貢賦之法自三代以來所謂相承而不廢者至春秋而掃地矣嗚呼讀周禮見周之所以盛讀春秋見周之所以衰

### 節財論九式均節財用

或問王制之書言冢宰歲抄制國用此九賦九貢之後亦有九式以節財用冢宰與王論道經邦者而區區于理財用之末何也曰君心之非莫大乎侈心之生財聚于公上而大臣不敢撙節于其間則府庫之克物財物之浩穰而人主之宮室器用服食賜予一切始無度矣是固蠱壞心



術之大源而以道佐人主者之急務也余嘗論冢宰屬官以爲內外庭宿衛之士士之賤者也烹庖饗膳之事事之辱者也魚腊酒醬醢醢之物物之微者也次舍幄帟喪服爲末用宦寺嬪御洒掃使令爲冗役而宴私玩狎之際易以感悅人主之耳目而侵竊大臣之權柄是以冢宰一舉而盡握之此固一說也然而府庫之財物國家之耗費亦莫大乎是數者之間使太宰身不得總其人心不得約其用則多寡豐殺去取用舍損益之目誰得而檢之秦漢以來散無統紀武帝窮奢極侈尤爲無度衛士已三萬人而郎衛之外又增置期門羽林南北軍之外又增置八校

尉無復多寡之節少府掌山海池澤之稅以充天子私供券太官七丞主膳食湯官主餅餌道官主擇米胞人主宰割無復豐約去取之制黃門給事禁中鈎盾掌苑囿尚方作禁器御府主衣服掖庭永巷亦置八丞上林池籞多至十監無復用舍損益之限北至朔方東封泰山所過賞賜用帛百餘萬四金錢以鉅萬計縣官空虛而吏始坐市列肆販物求利矣異時元帝在位雖號溫恭少欲而齊三服官作工各數千人一歲費數鉅萬蜀廣漢王金銀器歲各用五百萬三工官官費五千萬東西織室亦然廐馬食粟將萬疋此御史大夫貢禹所以拳拳獻忠願減諸離宮及



長樂宮衛之大半太僕減食石之馬水衡減食肉之獸省  
宜春之苑罷角觝之戲復齊三服官之舊而還高祖孝文  
之節儉也雖然禹徒知有高祖孝文之節儉而豈知有太  
宰九式之均節耶以周禮攷之膳夫歲終則會惟王及后  
世子之膳禽不會酒正歲終則會惟王及后之飲酒不會  
內府歲終不會王后之服司裘歲終不會王之裘與其皮  
事夫一歲之財有限而司徒所以制一歲之入冢宰所以  
制一歲之出者亦有常令而皆曰不會豈真使王后世子  
得以自便而自取耶彼賤有司也以區區賤有司而與  
至尊較出入之

是非計用度之當否則於勢為不順於事為難行是以上  
取之而下供之而多寡豐殺去取用舍損益之數則自有  
九式存焉吾何與知而與至尊者較曲直取與耶是故好  
用匪頒吾則供之芻秣幣帛吾則供之工事羞服喪荒賓  
客祭祀吾則供之以至向之所謂賤士辱事微物未用冗  
役吾又一切供之而一曰祭祀之式至九曰好用之式太  
宰則總持之夫惟財共于有司而式法持于太宰是以人  
主不敢違式法而過取百官有司於此亦不敢至于違式  
法而過共宰夫以式法掌祭祀酒人以式法授酒材掌皮  
以式法頒皮革委人以式法具薪蒸木材職幣以式法斂



幣餘職歲以式法贄逆會太府以式法頒貨賄人主之私  
心以式法而礙則侈心以式法而銷國用不屈民力不匱  
而王府之財用始沛然有餘而論道經邦之地始造原立  
本于此而無以蠱壞之也或曰小宰之職以法掌祭祀朝  
覲會同賓之之戒其軍旅田役喪荒亦如之七事者令百  
官府共其財用今九式之中乃不及朝覲會同軍旅田役  
何也曰朝覲會同之用不過牢禮委積膳獻飲食賓賜殯  
宰而已此則賓客之式也軍旅田役之用亦不過幣賚委  
人共委積薪帛司勳掌賞地宮正頒衣裘車人矢人繕人  
藁人司弓矢司甲兵之數一切皆有法式以給其財此則

幣帛芻秣匪頒工事之式也或又曰軍旅田役莫大于餼  
糧而不為之式何也曰居者積倉行者裹糧人自為具非  
公家之所給也公家之所給惟官府中供軍事者耳此則  
有廩人治師役之糧食倉人共道路之穀食遺人掌道路  
之委積是不為無法也大抵太宰之所謂理財惟急于理  
其出而已蓋財多則下之用者易失之滲漏上之取者每  
患于過差九式之法不過以樽節人主亦以隄防百官有  
司之失物避名也式灋不行而後上下始交征利矣錙銖  
而取泥沙而用竭九州之財不足以一人之欲而公私  
始俱受其病矣嗚呼是其所以為秦漢矣



太平經國之書卷之三

太平經國之書卷之四

永嘉鄭伯謙著後學陳曉校正

保治論九兩繫邦國得民

或問九兩之中曰牧者君也曰長曰主曰吏者官也彼其分君之職居民之上凡可以助君而得民者固其分也有如師儒之間宗族朋友之際山林藪澤之豪豈嘗有位于朝有祿于國者耶而均之曰得民與牧長主吏並立而相參何也曰此先王防患之深意也夫千里王畿之外公侯而下伯子男而上其君皆牧伯也千里王畿之內近而鄉遂遠而都鄙其官皆長吏也三等承地之間卿之有邦縣